


4. mars 2015

Enn hærri arðgreiðslur en í fyrra

Útlit er fyrir að skráð íslensk félög í Kauphöll Íslands greiði samtals um 24 ma.kr. til hlutafa nú á vormánuðum. Þessar arðgreiðslur/kaup eigin bréfa samsvara um 4,4% af markaðsvirði félaganna. Heildarfjárhæð byggir á tillögum sem stjórnir félaganna hyggjast leggja fyrir aðalfundi nú í vor og svo spá Greiningardeildar Arion banka um arðgreiðslu Haga á þessu ári, en uppgjörstímabil Haga er frábrugðið því sem gerist meðal annarra félaga á markaðinum. Að stærstu leyti er um að ræða arðgreiðslur en einnig hefur stjórn N1 skilgreint ákveðna fjárhæð til kaupa á eigin bréfum. Önnur félög hyggjast til viðbótar kaupa eigin bréf á næstu mánuðum samkvæmt endurkaupaáætlun. Í lok árs kæmi því ekki á óvart ef félögin hefðu samtals greitt hluthöfum til baka 27- 28 ma.kr. eða um 5% af markaðsvirði. Þar af myndu í kringum 12 ma.kr. renna til íslenskra lífeyrissjóða enda eru þeir í hópi stærstu hluthafa þeirra félaga sem mestan arð munu greiða.


Væntar arðgreiðslur (ma.kr., v/ás) og hlutfall þeirra af markaðsvirði (h/ás)



Heimild: Ársuppgjör félaga, Greiningardeild Arion banka. *Hlutir Össurar eru skráðir bæði í kauphöllinni á Kaupmannahöfn og í Reykjavík. Hér er þriðjungur markaðsvirðis hluta í Össuri talinn sem skráður í Kauphöll Íslands.

Útlit er fyrir að á yfirstandandi ári verði arðgreiðslur/kaup eigin bréfa þannig enn viðameiri heldur en í fyrra. Þá greiddu félögin liðlega 20 ma.kr. til hluthafa í formi arðs og endurkaupa á eigin bréfum.


Arðgreiðslur og kaup á eigin bréfum - ma.kr. (v/ás) og hlutfall af heildarmarkaðsvirði allra félaga (h/ás)



Heimild: Ársuppgjör félaga, Nasdaq OMX Iceland, Greiningardeild Arion banka

Svo háar arðgreiðslur koma ekki alls kostar á óvart enda endurspeglar þær sterka fjárhagsstöðu skráðra félaga um þessar mundir, eins og fjallað var um [Markaðspunkti](#) í desember s.l.

Arðgreiðslur 2015 sem hlutfall af hagnaði ársins 2014



Stærstu arðgreiðslurnar í ár koma frá félögum sem telja meiri skuldsetningu hagkvæmari, hyggja ekki á verulegar fjárfestingar eða fjármagnsfrekan vöxt. N1 og tryggingafélögin þrjú ætla þannig að greiða út hærri fjárhæð en sem nemur hagnaði ársins. Hluthafar þeirra félaga, þar sem vænta má töluverðra fjárfestinga á komandi árum, eins og Icelandair, HB Grandi og Eimskips, munu á hinn bóginn fá mun lægri hluta hagnaðar greiddan út í arð. Þá á eftir að koma í ljós að hve miklu leyti skráð félög munu kaupa eigin hluti á markaði á árinu en bæði Össur og Vodafone voru t.d. stórir kaupendur eigin bréfa á liðnu ári. Yfirstandandi ár verður óvenjulegt m.t.t. hárra arðgreiðslna og ekki þess að vænta að stór hluti fyrirtækja greiði að jafnaði hærri fjárhæð en hagnað liðins árs til hluthafa. Það breytir því ekki að fjárhagsstaða, fjármagnshöft og framtíðarhorfur gefa tilefni til að reikna með fínnum argreiðslum frá skráðum félögum á komandi árum.

Greiningardeild Arion banka

Anna Hrefna Ingimundardóttir
anna.ingimundardottir@arionbanki.is

Elvar Ingi Möller
elvar.moller@arionbanki.is

Hrafn Steinarsson
hrafn.steinarsson@arionbanki.is

Stefán Broddi Guðjónsson
stefan.gudjonsson@arionbanki.is

Forstöðumaður

Regína Bjarnadóttir
regina.bjarnadottir@arionbanki.is
444-6969

[Hér má finna fyrirvara](#)